



Broj: 04-16.5- *49-10/17*
Sarajevo, *5.11* godine

Na osnovu člana 64. stav (1) tačka b), 65. i 70. stav (1), (3) i (6) Zakona o javnim nabavkama ("Službeni glasnik BiH" broj 39/14), Direktor Direkcije za ekonomsko planiranje, d o n o s i

O D L U K U **o izboru najpovoljnijeg ponuđača**

Član 1.

Na osnovu provedenog konkurentskog postupka, koji je objavljen na portalu javnih nabavki, broj obavještenja 1107-7-1-18-3-3/17 od 06.06.2017. godine, prihvata se preporuka Komisije za javne nabavke i Okvirni sporazum za javnu nabavku tonera i ketrđiža za potrebe Direkcije za ekonomsko planiranje dodjeljuje se izabranom ponuđaču **"DEFTER" d.o.o. Sarajevo po ponuđenoj cijeni od 7.163,00 KM bez uključenog iznosa pripadajućeg indirektnog poreza (8.380,71 KM sa PDV-om)** u skladu sa kriterijem najniže cijene tehnički zadovoljavajuće ponude.

Član 2.

Prijedlog Okvirnog sporazuma za nabavku tonera i ketrđiža materijala dostaviće se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove Odluke zadužuje se Sektor za zajedničke i opšte poslove Direkcije za ekonomsko planiranje BiH.

Član 4.

U skladu sa članom 70 stav (6) Zakona o javnim nabavkama BiH, ova Odluka će se objaviti na web stranici Direkcije za ekonomsko planiranje, www.dep.gov.ba istovremeno sa upućivanjem iste ponuđačima koji su učestvovali u postupku javne nabavke.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Obrazloženje

Direkcija za ekonomsko planiranje BiH je donijela Odluku o pokretanju postupka za nabavku kancelarijskog materijala za potrebe Direkcije za ekonomsko planiranje broj 04-16.5-149-1 /17 od 28.04. 2017. godine putem konkurentskog zahtjeva. Obavještenje o nabavci zajedno sa tenderskom dokumentacijom objavljeno je na Portalu javnih nabavki dana 06.06.2017. godine pod brojem 1107-7-1-18-3-3/17, i bila je predviđena E-aukcija sa kriterijumom najniža cijena tehnički zadovoljavajuće ponude.

Komisija za javne nabavke Direkcije za ekonomsko planiranje dostavila je dana 03.07.2017. godine u Kabinet direktora Zapisnik o pregledu i ocjeni ponuda i Preporuku o izboru najpovoljnijeg ponuđača u postupku javne nabavke.

Tendersku dokumentaciju sa web portal www.ejn.gov.ba preuzelo je 14 ponuđača.

U postupku po izvještaju o radu je utvrđeno da je Komisija za javne nabavke blagovremeno i pravilno izvršila otvaranje ponuda o čemu je sačinila odgovarajuće zapisnike, u kojima je utvrđeno sljedeće:

Do krajnjeg roka utvrđenog u zahtjevu za dostavu ponuda tj. do 21.06.2017. godine do 12,00:

- Ukupan broj pristiglih ponuda je dvije (2)
- Blagovremeno su zaprimljene dvije (2) ponude
- Nije bilo neblagovremeno zaprimljenih ponuda

Pristigle ponude su dostavili ponuđači:

1. "ALF-OM" d.o.o. Istočno Sarajevo
2. "DEFTER" d.o.o. Sarajevo

Komisija je pregledala pristigle ponude te ustanovila da je ponuđač "DEFTER" d.o.o. Sarajevo dostavio neprirodno nisku ponudenu cijenu i da je ista za više od 20% niža od cijene drugorangirane ponude. Ponuđač "DEFTER" d.o.o. Sarajevo je dostavio prihvatljivo pojašnjenje, te je zakazana E-aukcija za dan 27.06.2017. godine.

Nakon zakazane E-aukcije, rang-lista je bila sljedeća:

	Ponuđač	Ukupan iznos bez PDV-a (KM)	Ukupan iznos sa PDV-om (KM)
1.	"DEFTER" d.o.o. Sarajevo	7.163,00	8.380,71
2.	"ALF-OM" d.o.o. Istočno Sarajevo	38.762,40	45.352,01

U postupku javne nabavke je ocijenjeno da je izbor najpovoljnijeg ponuđača izvršen u skladu sa Zakonom o javnim nabavkama primjenjujući kriterij "najniže cijene", te je primjenom člana 64. Stav (1) tačka b) Zakona o javnim nabavkama odlučeno kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba ugovornom organu, najkasnije u roku od 5(pet) dana od dana prijema, na način definisan članom 99. Zakona o javnim nabavkama.

Žalilac koji je propustio izjaviti žalbu gubi pravo tražiti ispitivanje zakonitosti po istom osnovu, u kasnijoj fazi postupka.



Dostaviti:

1. "ALF-OM" d.o.o. Istočno Sarajevo
2. "DEFTER" d.o.o. Sarajevo
3. Web stranica Direkcije za ekonomsko planiranje
4. Sektor za zajedničke i opšte poslove